

Хувайдо (тахаллуси; асл номи Хўжаназар Гойибназар ўгли) (1704 — Ўш шаҳри — 1780/81, Фаргона вилояти Чимён кишлоги) — шоир, тасаввуф шеърятининг йирик вакили. Кўкон мадрасаларида ўқиган. Кишлогида мактаб очиб, узок вақт мактабдорлик қилган, қосиблик билан ҳам шугулланган. Отаси Гойибназар сўфи Қашқардаги Офокхўжа эшоннинг муридларидан бўлган, Чимёнда масжид ва хонақола қурдириб, эшонлик қилган.

Хувайдо девонида келтирилган бир нақлга кўра, Хувайдога «Хўжаназар» исмининг қўйилиши ҳам Офокхўжа билан боғлиқ. Хувайдо мумтоз шеърятнинг деярли барча жанрларида ижод қилган. Шеърлари халқ орасида жуда машҳур бўлган. Хувайдо ахлокий-дидактик йўналишдаги мазмунан теран, услубий гўзал асарлари билан адабий мактаб ярата олган шоирдир. Хувайдо ижоди ва дунёқарашининг шаклланишида Яссавий, Навоий, Сўфи Оллоёр, Машрабларнинг тасаввуфий, фалсафий фикрлари ва асарларининг таъсири катта бўлган. Хувайдо мажозий ва хақиқий ишқ хақидаги орифона, дунёвий шеърларидан ташқари золимлик ва мазлумлик, қамолот ва ахлокий тубанлик хақидаги шеърларида ҳам мазкур шоирлар анъаналарини давом эттирган ва янги фикрлар билан бойитган.

Хувайдо шеърлари вафотидан сўнг набиралари томонидан девон холига келтирилган. Унга шоирнинг 351 газал, 28 рубоий, 41 тўртлик, 3 мухаммас, 1 мусаддас, 1 мусамман, 1 мустаод, 3 маснавий ҳамда ахлокий-дидактик мазмундаги «Рохати дил» манзумаси қирган. Девондаги илк шеърларида рўза, намоз, закот, ҳаж, жаннат ва дўзах билан боғлиқ мавзулар ёритилган, гурур, манманликни танқид қилувчи, тавозеъ, қардошлиқ ва тўғрисиўзликни улугловчи хикматларга кенг ўрин берилган («Дариго, хайф, одам...», «Қуйгай», «Қимга бориб дод этайил..» ва б.). Хувайдонинг шеърларида тасаввуфий унсурлар — нафсни жиловлаш ва дунёдан ўзни узок тутиш бош гоёлардан бири. Дунё лаззатининг инсонни бахтли эта олмаслигига ишонган шоир Аллоҳга, абадий бахтга эришмоқ учун инсон ўзлигидан кечмоғи кераклигини англайди (мас, «Анго», «Қилдинг» радифли шеърлари ва б.). Шоирнинг «Рохати дил» ахлокий манзумаси панднома турининг гўзал намунасидир. Унда очқўзлик, таъмағирлик, вафо, боқийлик, фонийлик, яхшиликнинг фойдаси, ёмонликнинг зарари, гўзаллик ва меҳнатсеварлик, моддий ва маънавий поклик каби хилма-хил ахлокий мавзулардаги ибратли хикоялар келтирилган. Хувайдо диний-ахлокий мазмундаги «Иброҳим Адҳам» номли шеърий достон ҳам ёзган. Хувайдо вафотига бағишлаб унинг шогирдлари, мухлислари томонидан марсиялар, таърихлар ёзилган. У ҳақда ибратомуз ривоятлар, ёдномалар пайдо бўлган. Шоирнинг отаси Гойибназар Эшон шажараси даҳмаси ҳозир ҳам зиёратгоҳ жойлардан ҳисобланади.

«Девони Хувайдо»нинг бир қанча қўлёзма нусхалари ва литографик нашрлари бўлиб, улардан чевараси Салоҳиддин Соқиб (1838—1910) ва Мирза Ҳақим ибн Мирза Умид Марғилонийлар қўчирган нусхаси СамДУ кутубхонасида сақланади (инв. №3903). Хувайдонинг набираси Сирожий (1877 йил в. э.), чеваралари Самарбону (1837—1891), Салоҳиддин Соқиб, Гарибий девон тузган шоирлар бўлиб, Хувайдо анъаналарини давом эттирганлар. Хувайдо номида қўча, маҳалла ва мактаблар бор.

Бегали Қосимов

* * *

Кўрмай эй, дилбар, юзунгни, бўлди ахволим хароб,
Рахм этиб келсанг на бўлгай хаста жонимни сўроб.

Холи бемору гариб сўрмак савобдур беадад
Эрмиш, эй ёрим, санга харгиз керакмасму савобе

Сояи гамда колибман, кулфатимдур бехисоб,
Тегмади ман заррани бошига харгиз офтоб.

Толиу бахти забундурман нетай, эй дилрабо,
Келмади оё нечук сан деб мани золим сўроб.

Ох урсам сакфи гардунга тегар охим ўти,
Шиддатидин ўт чикиб айлаб садо йиглар сахоб.

Кил хазар охим ўтидин, эй нигори нозанин,
Бўлса жўш охимга йеру кўк килмас хеч тоб.

Неча йилдурким, нигоро, остонанг ёстониб
Супуруб мужгон билан, септим кўзум ёшидин об.

Килмадинг хеч лойикоти хизматим, эй мох рўй,
Ори-ори бокмадИнг бир йўл олиб юздин хижоб.

Эй Хувайдо, юрмадинг сан бир дами бегам бўлуб,
Хотиринг бўлди саранжом окибат бўлгунг туроб.

* * *

Бир бузук вайронадур ул уйдаким ёр ўлмаса,
Ёр ила обод эрур ул уйда агёр ўлмаса.

Гох кўрунуб, гох кочар ошикларин куйдургали
Ишк лаззат бермагай дилбарки айёр ўлмаса.

Ошноликни узуб ёр андин айлар ихтироз
Ул кишиким ёридин бирдам хабардор ўлмаса.

Кўп бало ўкин отар ошик сари, ошик эмас
Кўксин очиб ёрини олдида тайёр ўлмаса.

Бўлмагай оху фигон тонг откуча бедорлик,
Ошики дилхастани ёри ситамкор ўлмаса.

еб ётиб ором ила ошиклиги бекор эрур,
Чарб ширин еб ичардин кимки безор ўлмаса.

Аввал ўзунг кил амал, сўнгра насихат элга де,
Эй Хувайдо, сўзлама санда амал бор ўлмаса.

* * *

Арзимни айдим боди сабога,
Еткурса холим ул дилрабога.

Килса худойим кўнглин мулойим,
Рахм айлагайму ман мубталогае!

Килгайму хайрин ўз кўли бирла,
Борсам кўйига мискин гадогае

Деди ракиблар ёрга ёмонлаб,
Солди жудолик найлай арога,

Кўнглумда йўктур зарра гумоним,
Кимки ёмондур солдим худога.

Холимни айтсам ёрим инонмас,
Эмди кўюбман явмулжазога.

Ёрсиз кишини фирдавси йўктур,
Суйдим санамни колдим балога.

Душманларининг нозу, ниамда
Парвариш айлаб солди гинога.

Дўстини ёрим ранжу аламда
Кўйди эл ичра жавру жафога.

Мискин Хувайдо сабру тахаммул
Айлаб,хамиша йиглар худога.

* * *

Рахм айласанг-чи девоналарга,
Ишкинда бўлган афсоналарга.

Айлаб жудолик, эй хамнишиним,
Килдинг жафолар гамхоналарга.

Куйдурма жоним рашк ўти бирла,
Очиб юзунгни бегоналарга.

Сажда килай деб, ширин, бутимга,
Бордим сўроклаб бутхоналарга.

Майгун лабингдин бир бўса бергин,
Синсун хумори мастоналарга.

Хар дам тиларман хусни камолинг,
Уруб бошимни остоналарга.

Ёндур, куёйин хилват ичинда,
Шамъи жамолинг парвоналарга.

Ишкингни ганжи вайрон кўнгулда,
Кўйсанг турарму кошоноларга.

* * *

Ичарга бода сахар мавсими чаман яхши,
Навойи мутрибу хуш мажлис, анжуман яхши.

Сузуб пиёлаи майни, йигилса ишрат эли,
Сунарга мугбача май косаи Хўтан яхши.

Хуш ўткар умри азизинг жахон гамини емай,
Май ич, тириклик аро сиххати бадан яхши,

Кишиким ичмаса майни тирик эмас, ўлган,
Анингдек одамига гўр ила қафан яхши...

* * *

Хеч кишига сўзламасдим, дод этдурди фалак,
Кўп халойик олдида фарёд этдурди фалак.

Арзи холим еткудек бир ёру хамдам топмадим,
Шод кўнглумни, нетай, ношод этдурди фалак.

Ман гарибу хастани хардам фирок ўти билан
Куйдуруб, кўкка кулум барбод этдурди фалак,

Солди кўнгул сайдига хар лахза гам шахбозини,
Гамни ман бечорага сайёд этдурди фалак.

Эй Хувайдо, бўлма кул бу чархи кажрафторга,
Лахзада юз шевалар бунёд этдурди фалак.

* * *

Сани ишкингдин, эй дилбар, ажаб девоналар бўлдум,
Халойикга бўлуб кулгу, баци афсоналар бўлдум.

Килур таъна кўруб харким маним холимга, эй мохнм,
Бу элни огзида хар гўшада афсоналар бўлдум.

Хама кавму кариндошим мани кўрса килур номус,
Баридин юз ўгурдум, бир йўла бегоналар бўлдум.

Сани илкингдин, эй дилбар, мухаббат жомини ичсам,
Ўшал кундин бери билмай ўзум мастоналар бўлдум.

Шабистон ичра, эй ёрим, жамолинг шамъини кўрдум,
Бошингдин ўргулуб хар субхидам парвоналар бўлдум.

Висолинг излабон, дилбар, Хувайдойи гариб миския,
Гадолардек сўраб элдин юруб оворалар бўлдум.

* * *

На килдим санго ман, ёрим, жамолингдин жудо килдинг,
Бошимда гарди гамни чун чароги осие килдинг.

Хамиша куйдуруб шамъи фирокинг бирла жонимни,
Мани парвонани хокистарини зери по килдинг.

Жудолиг айлар экансан, оё Лайливаши Ширин,
Не деб аввал ўзунгга ман гарибни ошно килдинг.

Нигоро, бори гам бирла факиру нотавон айлаб,
Алифдек коматимни лом алиф янглиг дуто килдинг.

Фирокинг осмонидин солиб бир барки олам сўз,
Вужудим хирманин ўртаб, адо килдинг, адо килдинг.

Ўшал рўзе: ЎБилурмусан маниеъ деб айтдинг, эй ёрим,
ЎБалеъ дедим, сани суйдим, балога мубтало килдинг.

Аё дилбар, Хувайдодек балокашни эшикларда,
Солиб кўздин бенаво, зору гадо килдинг.

* * *

Сабо еткур саломимни кадди сарви равонимга,
Каро кўзлук, каро кокул ўшал ширин забонимга.

Ётибдир бир гариби зор ўлиб огиштаи туфрок,
Бу холимни бориб айтгил мани оромижонимга.

Мани бошим ани йўли арога хар бало келса,
Бокарман, эй биродарлар, қачон суду зиёнимгае

Фалак чархи узилди-ю, йирок солди мани андин,
Қачон кўшгай худовандим анингдек меҳрибонимгае

Ани дарду фироки ўлгуча мандин жудо бўлмас,
Таралмиш жисмима жондек тамоми устихонимга.

Хувайдони фирокига они ҳеч келмади раҳми,
Каро тошлар су бўлди раҳм этиб оху фиғонимга